



UNIVERSITÄTS-
BIBLIOTHEK
PADERBORN

Lvdovici Carrionis Antiqvarvm Lectionvm Commentarii III

Carrion, Louis

Antverpiæ, M D LXXVI

Diodorus historicus. Tertullianis emendatus. idem argumentum apud Tertullianum, Minutium, & Lactantium inueniri. de Minutij aetate.

[urn:nbn:de:hbz:466:1-70907](https://nbn-resolving.org/urn:nbn:de:hbz:466:1-70907)

Diodorus historicus. Tertullianus emendatus.
idem argumentum apud Tertullianum, Mi-
nutium & Lactantium inueniri.
de Minutij aetate.

CAPVT IX.

Q. Septimius Tertullianus omnium Theo-
logorum doctissimus, & Romani iuris Ho-
tificij peritissimus, in diuino illo Apologetico,
quo Christianorum causam aduersus gentes co-
ram Imperatoribus agit; vt Iouem, aliaque idola
Deos non esse ostendat, hoc fere vtitur argumeto.
quicumque homo ex hominibus natus est, Deus esse
non potest. Saturnus, Iupiter, alij, homines ex ho-
minibus nati sunt. Dij igitur esse non possunt. Iam
vt, illud quod initio posuerat, Saturnum &
Iouem homines fuisse probet; *Ante Saturnum,*
inquit, *quis peres vos nemo est. ab illo census totius*
vel potioris vel notioris diuinitatis. itaque quod de o-
rigine constiterit, id de posteritate conueniet. Saturnum
itaque, quantum litterae docet, neque Theodorus Grae-
cus, aut Thallus, neque Cassius Seuerus, aut Cornelius
Nepos, neque vllus comentator huiusmodi antiqui-
tatum aliud quam hominem promulgarunt. quod argu-
mentum aut Minutius a Tertulliano aut Tertul-
lianus a Minutio sumserit necesse est. idem certe
isdem paene verbis apud vtrumque legitur. Minutij
quidem haec sunt. Saturnum principem huius generis, &
examinis omnes scriptores vetustatis Graeci Roma-
nique hominem prodiderunt. Scit hoc Nepos & Cassius
in historia: Thallus ac Diodorus hoc loquuntur.
Cetera, quae sequuntur, apud hunc & illum ge-
mina sunt. Vter ab altero acceperit; non facile

Tertull. A-
pologico.

Minutius.
Felix Ossa
uio.

dixeris. Nam de Minutij aetate vt dubitem, faci
Stridonensis presbyter, qui eum Cypriano praepo-
posuisse, aliquando etiam postposuisse videri po-
rest. ac in catalogo quidem scriptorum Eccle-
sticorum Minutium Origeni proximum, Cypri-
no priorem statuit. quod alibi eum facere memo-
ni. & in sua pro libris aduersus Iouinianum apo-
logia, primo Tertullianum, deinde Cyprianum,
postremo denique Minutium nominat. certum
Minutius Cypriano aetate prior fuit, omne scilicet
illud, quod Cyprianus aduersus idola, in eisdem que-
bus Minutius verbis, differit, Minutianum dici
debet. Quid? quod Lactantius, quem sub Con-
stantino Arnobij discipulum vixisse constat, idem
argumentum ab altero eorum, aut, quod propria
abest a vero, ab utroque mutuatus est? sic equum
scribit? *Omnes ergo non tantum Poetae sed histori-
ae quoque ac rerum antiquarum scriptores huius
nem fuisse consentiunt, quires eius in Italia gestas
memoriae prodiderunt: Graeci, Diodorus & Theophrastus
Latini, Nepos & Cassius & Varro. Vter ergo ab
altero acceperit non laboro: neque ea re hic a me
est institutus sermo. illud volebam; apud Tertul-
lianum, Diodorum, non, Theodorum scribi, & de
Diodori Siculi bibliotheca accipi. quod ne Arce-
filas quidem affirmare dubitauerit: maxime cum
Iacobus Pamelius vita & professione theologus,
idemq. omnis ecclesiasticae antiquitatis peritissi-
mus, cui ego primū sanguinis, deinde multis ma-
gnorum officiorum vinculis valde sum obli-
ctus, meam coniecturā duobus libris, Elnonensi-
si vno, Gandauenfi altero, comprobari, litteris ea-
de re ad me datis, confirmarit.*

*Nononymus
Catalogo
scriptorum
ecclesiast.
Item Epist.
ad Mag. ū.*

*Cypri-
nus
li. quod ido-
a Di non
sunt.*

*Lactant. Di-
uinarum in-
stitut. lib. I.
cap. XII.
vt vulgo nā
in veteribus
capita non
sunt, nō ma-
gis quā in
Tertullian
Apolog. 1. co.*

Ant. Mureti
Varia Lectoria
LII
28